



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 6. Benedicti XIII. constitutio in FF. Prædicatorum, & sententiæ Thomisticæ favorem.

[urn:nbn:de:hbz:466:1-67667](https://nbn-resolving.org/urn:nbn:de:hbz:466:1-67667)

Sæc. XVIII
A. C. 1727
retur; at idem Cardinalis Albanus
post levem verborum contentionem
Salernum placavit.

§. VI.

*Benedicti XIII. Constitutio in FF.
Prædicatorum favorem.*

Postquam igitur omnes, quæ huic
Constitutioni opponerentur, diffi-
cultates erant submotæ, ipsemet Pon-
tifex illam die vigesima octava Junii
supremo FF. Prædicatorum Magistro
Generali consignavit, eamque ad cu-
juslibet Cardinalis Palatium sequenti
die deferri jussit: Ita tandem finita
est hæc controversia, quam privatas
opinionum tuendi ardor accendit, alie-
næ gloriæ invidia propagavit, ac de-
nique veritatis semper victricis potentia
extinxit: Hos enim, qui tam per
se, quam per suos huic Bullæ vehe-
mentius obstiterant, non male habuit,
quod Pontifex Dominicanorum æque
ac aliorum Regularium privilegia in-
novavit, atque auxerit; iniquissimo ta-
men patiebantur animo, quod Bene-
dictus amplissima, quibus ejus Præ-
decessores doctrinam D. Thomæ cele-
brabant, encomia nova Pontificii ora-
culi commendatione confirmavit, nulla
oppositæ doctrinæ mentione facta. Ea-
pro-

Sæc XVIII.
A. C. 1727.

propter in solum Constitutionis Para-
graphum quadragesimum primum &
secundum totam oppositionis molem

exonerabant: Operæ igitur pretium
fore existimo, utrumque huc adducere:

En ipsius Constitutionis verba: „De

„Doctrina Angelici Doctoris S. Thomæ

„Aquinatis, cum filere Nos minime

„deceat, cui ipsemet Ordo salubriter

„insistit, ignoramus plane, quibus il-

„lam laudibus pro magnis suis in Ec-

„clesiam meritis extollamus. Satius

„ergo ad absolutam illius præconium

„putamus commemorare, ipsam ex

„Salvatoris Crucifixi ore, sicuti pie te-

„statur historia, fuisse probatam, &

„constanti summorum Pontificum testi-

„monio Orthodoxis commendatam Po-

„pulis. Hoc potissimum suis Consti-

„tutionibus, & Literis Apostol. præ-

„stitere Joannes vulgo XXII. in Con-

„stit. XX. cujus initium: *Redemptionem*

„misit: 15. Kal. Augusti Anno Domini

„1323. Clemens VI. Constit. *in ordine:*

„VIII. Idus Febr. 1344. Urbanus V. in

„diplomatibus: *Copiosus, & laudabilis:*

„dat. 10. Kal. Julii, & prid. Kal. Sept.

„1368. S. Pius V. XXXVI. *Mirabilis*

„Deus: 3. Idus Apr. 1567. Sixtus V.

„LXXVI. *Triumphanti:* prid. Idus Mar-

„tii 1588. Clemens VIII. *in quo nos:*

„Et: *quantum prodesse:* 22. Nov. 1603.

E e 4

Et

Sæc. XVIII, *Et sicut Angeli: Paulus V. Splen-*
A. C. 1727. „dissimi: 17. Dec. 1607. & Alexander VII.
„Literas: 7. Aug. 1660. Æquum vero
 „erat, ut Angelica Doctrina tanti Do-
 „ctoris non vulgaribus efferretur en-
 „comiis, quæ Solis instar mundum uni-
 „versum illustrans uberrima Christianæ
 „Ecclesiæ bona peperit, paritque in
 „dies singulos multiplici fructu, supre-
 „mo Apostolicæ Sedis Magisterio ad-
 „versus quoscumque veteres, ac recen-
 „tes errores, quos revincit, fidissime fa-
 „mulans. Eadem Nos quoque diutur-
 „nis, atque assiduis fere experimentis
 „probe noscentes, per alias peculiare
 „nostras Literas incipientes, *demissas*
 „*preces: dat. 6. Nov. 1724. calumnias,*
 „ejusdem Angelici Doctoris, & S. Au-
 „gustini Doctrinæ temere irrogatas re-
 „tudimus, & prout rei gravitas ex-
 „poscebat, auctoritatis nostræ præsi-
 „dio eliminavimus. Luculentius vero
 „æstimationis argumentum in ipsam
 „S. Thomæ doctrinam nunc edituti,
 „quo magis, magisque Prædicatorum
 „Ordo, cætriq; Orthodoxi, ac veri
 „ipsius Sectatores ad illius sinceram,
 „& tutam professionem inflamentur,
 „prædictas omnes, & singulas decesso-
 „rum nostrorum Constitutiones, Lite-
 „ras, seu, ut vocant, *Brevia*, necnon
 „omnia, & singula in eis contenta,
 „supre-

„suprema, qua fungimur, auctoritate, Sæc. XVIII.
 „motu, scientia, & deliberatione præ- A. C. 1727.
 „missis comprobamus, & rursus qua
 „tenus opus fuerit, cum ipsismet edi-
 „tis nuper a Nobis Literis innovamus.
 „Ut autem *turbulenti, ac pertinaces tran-*
 „*quillitatis Ecclesie Catholice perturbato-*
 „*res* desinant Orthodoxam S. Thomæ
 „Doctrinam caluminari, ac ne dein-
 „ceps præposteris, & a veritate alienis
 „interpretationibus Apostolicas ipfas
 „Literas nostras, non sine aperta, ut
 „accepimus, verbis nostris, ac etiam
 „decessorum nostrorum irrogata vio-
 „lencia, tam Prædicatorum Ordinem,
 „quam alios veros illius Affectas &
 „Sectatores incessere audeant, Con-
 „stitutioni XCVII. quæ incipit: *Pastoralis*
 „*Officii*: rec. Clem. XI. omnibusque in
 „ea contentis firmiter inhærentes, sub
 „divini interminatione Judicii, iterum-
 „que sub Canonicis pœnis omnibus,
 „& singulis Christifidelibus mandamus,
 „ne Doctrinam memorati S Doctõris,
 „ejusque insignem in Ecclesia Scholam,
 „præsertim ubi in eadem Schola de *Di-*
 „*vina Gratia per se, & ab intrinseco efficaci,*
 „*ac de gratuita Prædestinatione ad Gloriam*
 „*sine ulla meritorum prævisione,* agitur,
 „ullatenus dicto, vel scripto contume-
 „liose impetant, ac veluti consentien-
 „tem cum damnatis ab Apostolica Sede

Sæc. XVIII. „& signanter a Constit. LXIV. d. fel.
 A. C. 1727 „rec. Clem, XI. incipiente: *Unigenitus*,

„Jansenii, Quesnellii, & aliorum er-
 „roribus traducant, quibus S. Thomas,
 „& vera Schola Thomistica quam lon-
 „gissime abest, & abfuit, universis,
 „tam antiquis, quam nunc Christi Ec-
 „clesiam vexantibus hæresibus, & per-
 „niciosis assertis adversans. „

„Damnamus item Folia, Theses,
 „& Libros antehac typis impressos,
 „vel etiam, quod Deus avertat, im-
 „primendos, in quibus ad procrean-
 „dam seu fovendam Doctrinæ S. Tho-
 „mæ, Prædicatorum Ordini, aliisque
 „genuinæ Thomisticæ Doctrinæ Affeclis
 „invidiam, designatæ, atque damnatæ
 „a Nobis Calumniæ assertive renovan-
 „tur, vel in aliam a germana præ-
 „dictarum nostrarum literarum senten-
 „tia, sive decessorum nostrorum mente,
 „honorifica, atque faventia Doctrinæ
 „Thomisticæ merita fallacissime detor-
 „quentur. Deum veritatis & pacis
 „enixe rogantes, ut ad majora Gloriæ
 „suxæ incrementa creditus Nobis Popu-
 „lus non minus tradita a tanto Magistro
 „salutari Doctrina, quam ipsis inno-
 „centium morum, & illustrium virtu-
 „tum imitatione proficiat. „

§. 42. Ne autem Adolescentes Sæ-
 „culares a prælaudati divini Doctoris
 „Scho-

„Schola deterreri contingat, ex quo
 „nullum in ea præmium, nulla expe- Sæc. XVIII.
 „dita via pateat ipsis per Theologicas A. C. 1727.
 „disciplinas ad dignitates illas, quæ
 „solis Lauream, Licentiam, vel gra-
 „dum in Theologia consequutis con-
 „ferri debent, ac possunt, motu, scien-
 „tia, & potestatis plenitudine, ut su-
 „pra, ad universa insigniora Studia
 „Generalia, Collegia, Studia quoque,
 „ut dicunt, formalia, & ea, quæ ad
 „minus quatuor consistunt actualibus,
 „& ex his duobus, ut minimum in
 „Theologia Lectoribus in quibuscum-
 „que Provinciis Ordinis prædicti e-
 „recta, vel exigenda extendentes con-
 „cessionem factam a Gregorio XIII.
 „Fratribus ejusdem Ordinis Provinciæ
 „S. Antonini de novo Regno in Civi-
 „tate sanctæ fidei relatam, & confir-
 „matam per Paulum V. in suis Literis
 „incipientibus: *Militantis Ecclesiæ*: Prid.
 „Non. Sept. 1612. & Innocentium X. in
 „ejus Constit. *in supremo*: 10. Kal.
 „Martii 1644. necnon privilegia omnia
 „& singula Apostolica in id concessa
 „prædictis fratribus ad omnia prædicta
 „studia, Conventus, & Universitates
 „extendimus, & prorogamus, decer-
 „nentes, ut post emensum certum,
 „nec unquam minus quam duorum
 „annorum, stadium ad percipiendam
 „Sa-

Sæc. XVIII. „Sacrae Theologiae juxta inconcussa, &
 A. C. 1727. „tutissima S. Thomæ dogmata intelli-
 „gentiam accommodatum, a studio-
 „rum illorum Moderatoribus, sive Le-
 „ctoribus, numero, & procedendi ra-
 „tione ipsis per Magistrum Ordinis præ-
 „scribendis, ac nunc pro tunc a Nobis
 „auctoritate Apostolica, ut prædictum
 „est confirmatis, post præmissas scho-
 „lasticas exercitationes publicas vel
 „privatas juxta Regionum approbatas
 „consuetudines, vel methodum ab eo-
 „dem Magistro præscribendam, ac præ-
 „missis diligenti examine, Laurea Do-
 „ctoralis sive Magisterialis, Præsentatu-
 „ra, ac Licentia, sive gradus Baccalau-
 „reatus, ac alii consueti in S. Theo-
 „logia (quos quidem pari Apostolica
 „auctoritate, motu, & Scientia idem
 „valere ac acceptari ubique debere,
 „perinde ac si conferrentur in Academia
 „Romanæ Sapientiæ, Salmantina, aut
 „Parisiensi, vel alia quacumque insigni-
 „niori, declaramus, decernimus, & vo-
 „lumus) libere, ac licite conferri possint,
 „ac valeant scholaribus sæcularibus stu-
 „dentibus in insignibus civitatibus, aut
 „locis, in quibus ad eorum scholam
 „juvenes Sæculares accedere permit-
 „tuntur, idque tametsi ibidem alias
 „publica pateat Universitas, hoc dun-
 „taxat casu præstitis per divites, a tali
 „solu-

„solutione de cætero non exemptos, Sæc. XVIII.
 „conſuetis Univerſitati juribus; ubi A. C. 1727.
 „etenim juvenes per examinatores præ-
 „ſatos idoneos repertos Officiales Uni-
 „verſitatis ad eodem gradus promo-
 „vere renuerint, poterunt ad gradus
 „prædictos promovere Lectores, &
 „Ministri præfati noſtri Ordinis. Illud-
 „que quam maxime concedimus, vo-
 „lumus, decernimus, & mandamus,
 „pro Locis, in quibus ſæcularibus ſtu-
 „dentibus Doctrinæ D. Thomæ, prout
 „in hujus receptiſſima ſchola traditæ,
 „gradus ultro non pateant.,,

Hanc Pontificis Bullam non modo Sabaudizæ Dux, ſed & Imperator in ſuis Provinciis promulgari voluit, & Cardinalem Cienfuegos reprehendit, eoquod ſeſe eidem oppoſuiſſet.

§. VII.

Actum de Concilio Provinciali Embrodum celebrando.

Hæc dum Romæ gerebantur, ſeria admodum ſcena aperiebatur in Galliis; cum enim Joannis de Soanen Sanitiensis Episcopi pervicacia, & Pontificiæ non minus quam Regiæ auctoritatis contemptus eo usque ascenderet, ut schisma in Ecclesia, & ſeditio in Regno haud immerito pertimeſcenda eſſet,